

Social Security

Sekirite Sosyal



Konpansasyon pou andikape

Ki sa Asirans Sekirite Sosyal pou andikape ye?

Sekirite Sosyal se yon pwogram asirans sosyal ki peye konpansasyon chak mwa pou travayè ki andikape epi ki pa ka travay. Kondisyon travayè-a dwe grav ase pou anpeche-l travay pandan yon anne oswa pandan plis tan. Epitou kote yo sispek andikap-la ka lakòz lanmò travayè-a.

Kalifikasyon yon travayè pou konpansasyon baze sou kantite taks li-menm ak anplwayè-l peye Sekirite Sosyal. Valè lajan konpansasyon-an depann sou kantite lajan ou touche nan travay-ou. Plis ou touche plis lajan konpansasyon-ou chak mwa ap pi wo.

Si ou vin andikape anvan ou rive 24 anne, pi souvan wap bezwen gen sis kredi deja pandan tan twa anne ou vin andikape anvan ou ka aplike pou konpansasyon.

Si ou ant 24 ak 30 anne, wap senpman bezwen kredi pou mwatye tan ant laj 21 anne avèk 1è ou vin andikape-a.

Si ou vin andikape nan laj 31 anne oswa plis, kantite kredi ou va bezwen depann sou laj ou te genyen lè ou vin andikape. Epi ou te dwe gen deja 5 anne kredi (20 kredi) omwens pandan 10 anne anvan ou vin andikape. Ou pa bezwen sitwayen Etazini pou ou kalifye pou konpansasyon, men ou dwe legal pou ou travay nan Etazini.

Ki moun ki jwenn konpansasyon pou andikap

Yo peye konpansasyon pou travayè ak kèk manm nan fanmi-yo tankou :

- Pitit-ou ki panko marye epi ki panko rive nan laj 18 oswa 19 anne si li toujou nan ayeskoul plentan.
- Pitit-ou ki pase 18 anne ki pa marye men ki andikape avan 1i te rive nan laj 22 anne.
- Madanm oswa mari ki gen 62 anne omwens, oswa nenpòt ki laj si lap okipe yon pitit-ou ki gen mwens pase 16 anne oswa ki andikape li-menm tou epi kap resevwa konpansasyon.

Kouman yon andikape aplike pou konpansasyon

Pou rann aplikasyon-an pi fasil ou ka ekri, aplike nan telefòn oswa ale ou-menm nan nenpòt biwo-nou-yo.

Pou demach-ou vanse pi rapid epi pou nou ka jwenn kopi dosye medikal-ou sa va ede si ou gen non, adrès, nimewo telefòn epi dat chak doktè, klinik oswa lopital ba-ou tretman. Nan chita tande ou dwe fè avèk nou pare pou ou pale sou istwa travay-ou pandan 15 anne ki sot pase-yo. Nap mande-w kopi fòm W-2 anne pase-a osnon rapò enpo sou revni-ou pou anne pase-a si ou te travay poukont ou.

Ki moun kap deside si ou andikape

Nou voye kopi pati medikal aplikasyon-ou bay sèvis Leta-a ki detèminen andikap (DDS). Espesyalis antrennen nan evalyasyon andikape va panche sou dosye medikal-ou-a. Yo va egzaminen ransèyman-yo epi pran desizyon sou ka-ou-a. Si yo bezwen plis ransèyman yo ka ranje yon randevou pou ou fè yon egzamen medikal gratis.

Ki lè konpansasyon kòmanse

Si yo apwouye aplikasyon-ou-an yo va kòmanse voye konpansasyon ba-ou sis mwa plen apre dat yo jwenn prèv ou andikape.

Ki jan Medikè ka ede

Wap jwenn Medikè touswit apre ou kòmanse resevwa konpansasyon kòm andikape diran 2 anne. Medikè se yon pwogram asirans sante federal pou moun ki rive laj 65 anne omwens oswa ki andikape. Medikè ka ede peye bòdwo doktè ak bòdwo lopital.

Si ou pa rive kalifye pou Sekirite Sosyal

Si ou te aplike pou konpansasyon Sekirite Sosyal kòm andikape, epi ou pat gen ase tan travay dapre Sekirite Sosyal pou ou jwenn benefis nou va gade

wè si ou kalifye pou benefis kòm andikape nan pwogram Revni sekirite siplemantè (SSI). Pwogram-sa-a peye moun ki andikape, avèg oswa ki rive nan laj 65 anne avèk tikras revni oswa san resous ditou.

Ou pa blije tap travay anvan pou ou kalifye pou SSI. Se biwo administrasyon Sekirite Sosyal-la ki anchaje toude pwogram-yo. Men SSI pa jwenn lajan taks Sekirite Sosyal. Se menm jan yo detèminen ki moun ki andikape men regleman-yo diferan. Pou plis enfòmasyon sou konpansasyon pou andikape dapre SSI mande dokiman sou Benefis pou revni Sekirite Siplemantè.

Pandan konbyen tan yon andikape ka touche konpansasyon

Konpansasyon biwo Sekirite Sosyal dire tout tan ou andikape oswa ou pa ka travay. Si ou ka fè travay sibstansyèl – ki vle di ou ka viv avèk lajan travay-la - yo pap konsidere ou andikape ankò epi yap sispann konpansasyon-ou-an.

Sepandan, si ou seye al travay malgre ou toujou andikape gen regleman ki pèmèt-ou kontinye resevwa konpansasyon jiskaske ou retounen fè travay regilye. Pami regleman-sa-yo, nou jwenn:

- Travay tan pwovizwa – Ou ka travay pandan 9 mwa san lajan wap touche nan travay-la pa chanje valè benefis wap touche nan Sekirite Sosyal poutèt ou andikape;
- Ekstansyon tan ou ka kontinye kalifye – Ou ka kontinye touche benefis pandan 36 mwa menm si wap travay depi sa ou touche nan travay-la pa rive \$780 chak mwa;
- Dediksyon pou depans ki fèt an rapò avèk andikap-ou – Lè yo kalkile lajan wap touche nan travay-la yo pap konte lajan ou depanse ladann poutèt maladi-a oswa andikap-la menm si travay-la sibstansyèl epi ou ka viv ak lajan li rapòte-ou; epi
- Kontinyasyon Medikè – Ou ka kontinye resevwa sèvis Medikè pandan 39 mwa apre tan travay pwovizwa-a. Si sèvis Medikè-ou ta sispann poutèt travay-ou ou kontinye jwenn Medikè si ou peye pou li chak mwa.

Pou plis enfòmasyon sou ankourajman pou travay yo bay moun ki andikape mande yon ti liv yo rele: *Working While Disabled... How We Can Help* (Piblikasyon nimewo 05-10095).

Yo va revize ka-w tanzantan pou detèminen si ou toujou andikape. Frekans revizyon ka-w depann sou jan kondisyon-ou ka amelyore. Revizyon yo ka fèt ant 6 ak 18 mwa 1è yo kwè kondisyon medikal ou ka vin miyò. Revizyon-an ka fèt tou chak 7 anne si yo pap atann amelyorasyon nan kondisyon medikal-ou.

Pou plis enfòmasyon

Tcheke sit-nou nan <http://www.ssa.gov/> pou ou jwenn repons anpil keksyon ou ka vle poze epi repons sou sèvis Sekirite sosyal ou ka bezwen. Ou ka kòmande **piblikasyon** ak **fòmilè**, konnekte sou tit *Plannifye retrèt ak benefis*, mande resevwa *Nouvèl elektwonnik* epi menm *dosye pou ou retrete an liy*. Pi fò sèvis entènèt-nou ann Angle sèlman. Men ou ka rele-nou nan nimewo gratis-sa-a: 1-800-772-1213. Nou ka reponn keksyon espesifik nan telefòn depi 7:00 nan maten jouk rive 7:00 nan aswè toulejou travay epitou nou bay ransèyman avèk telefòn sèvis otomatik lannwit kou lajounen. Si ou gen pwoblèm nan tandé, rele nimewo TTY 1-800-325-0778 depi 7:00 nan maten rive 7:00 nan aswè toulejou travay.

Si ou bezwen yon entèprèt pou ou pale avèk Sekirite sosyal nou va ba-ou youn gratis depi ou mande-l. Rele anvan pou asire yon moun ki pale lang-ou va disponnib pou ede-ou.

Tout apèl-yo konfidansyèl kit ou fè-li sou nimewo gratis-la oswa ou rele youn nan biwo-nou-yo. Nou bezwen asire-nou tou ou resevwa sèvis egzat epi koutwa. Se pou sa nou gen yon dezyèm rezistantan Sekirite Sosyal ki swiv kit apèl telefòn kap rantre ki sa-yo kap soti.